

# Zit gälsik

plo

LÖSTÄN-NUGÄN

1890.

Fa.


KOGLGRUBER KAYETAN.

---

Schlägel in Löpolöstän.

Püb lautela. — Bük de Rollinger e Moessmer in Wien

86. 621-A. Esp-



Pop lelöföl länafati  
aibinom pop Löstana,  
givom labi, sägo lifi  
plo länafat gudlik oka.

E sikodo i dilsumom  
len fät gena lölik omik,  
va fät vemo läbik binom,  
u ta valädam neläbik.

Äslik lügom känüdiko,  
if ezidos neläbikos,  
leik aiyubom vemo,  
if läbikos gletik zidos.



Nu fudom zit veütikün  
plo gen Habsburg palevipöl.  
At vedomöd i läbikün  
dub Goda ben papliedöl!

Nu **Maria Valeria**,  
yunlik jileson limepik  
in legletik fatän obsa  
pailöföl fa pop lölik

vilof ma glüga sanik lon  
klubön oki ko **Franz** dükal  
sägo plo lifa lölik gon  
dübü lestimik matacal.

Velul kilsebalid binom  
et veütik e gletik del,  
in kel segun mobam zitom  
legloliko matämazäl.

Län löstänik, o läbik län!  
O zif Ischel, zif leläbik!  
Papliedols fa alik men,  
lepatiko in volapük.

Ols pasikols nu levemo,  
bi gamapal ya penemöl  
zälom in ols legloliko  
matämazäli pispelöl.

Sükü zäl at lemöds menas  
ali zif Ischel lükömoms  
se tops difikünas länas,  
e len zäl otik dilsumoms.

Alü kömoms ä mans ä voms,  
kömofs vilgins, kömoms yunels,  
efe sägo se fagiks loms  
in klots, äslik in zäladels.

Vo! Mens de lifayel alik,  
de cal alik alü kömoms,  
mens liegik, äso pöfik  
ati deli zälön viloms.

In limepik lölik kinän  
(also kanob pükön gito),  
yubom alik fatänaflen  
demü matam at levemo.

Glüg et, in kel Franz Maria,  
bijop linzik, dünöl Gode,  
sakramedi sanik mata  
givom fino gamapale,

binom ya pedeköl vemo.  
Festuns flolas lejönikün  
ya sbinoms usit lino;  
e pazälom i godadün.



Du kanitans omsa hümis  
lovesedomis ali Sölal,  
bijop i dabegom benis  
legletikün plo gamapal.

Lesi! Alim begom Godi,  
efe sägo leciliko:  
Gä jelolös gamapali,  
äs in tim at, so i fúdo!

Levilolös ome givön  
valikosi, kelos kanos  
sani oma vemo födön,  
kelos omi jeno gälos!

